



AKSIYADORLARNING YILLIK UMUMIY YIG‘ILISHINING 01/2022 - sonli BAYONNOMASI

Манзили “Ўзсаноатқурилишбанк” АТБ биноси,
Тошкент ш., Шахрисабз кўчаси, 3

2022 йил 24 июнь
иш вақти 10.00-13.00

Банк Кенгаши томонидан 2022 йил 27 майда Ўзбекистон Республикасининг “Акциядорлик жамиятлари ва акциядорлар ҳуқуқини ҳимоя қилиш тўғрисида”ги, “Банклар ва банк фаолияти тўғрисида”ги Қонунлари ҳамда “Ўзсаноатқурилишбанк” АТБ Уставига биноан, Акциядорларнинг йиллик умумий йиғилишини чақириш тўғрисида 2022/09-сонли қарори қабул қилинган.

2022 йил 31 май ҳолатига шакллантирилган акциядорлар реестрига асосан банк акциядорларига умумий йиғилиш ўтказиш вақти, жойи, кун тартиби тўғрисида хабар “Тошкент” РФБ, Корпоратив ахборот ягона портали, банкнинг расмий веб-сайтларига жойлаштирилган ҳамда акциядорларнинг электрон почта манзилига юборилган. Шу билан бирга мазкур хабар мамлакатимизнинг “Халқ сўзи” марказий рўзномасининг жорий йил 1 июндаги 112-113-сонида ҳамда “Народное слово” марказий рўзномасининг жорий йил 1 июндаги 110-111-сонида чоп этилган.

“Акциядорлик жамиятлари ва акциядорлар ҳуқуқини ҳимоя қилиш тўғрисида”ги Қонуннинг 61-моддасига ҳамда Банк Кенгашининг қарорига биноан, Умумий йиғилишда иштирок этиш ҳуқуқига эга бўлган акциядорлар рўйхатини тузиш санаси 2022 йил 20 июнь деб белгиланди. Мазкур санага шакллантирилган акциядорлар реестрида амалдаги қонунчиликка асосан фақат оддий акция эгалари йиғилишда овоз бериш ҳуқуқига эга.

2022 йил 20 июнь ҳолатига Банкнинг Устав капитали 4 634 513 904 398 (*тўрт триллион олти юз ўттиз тўрт миллиард беш юз ўн уч миллион тўққиз юз тўрт минг уч юз тўқсон саккиз*) сўмни ташкил қилади ва у қуйидаги акцияларга бўлинган:

- умумий қиймати 4 627 483 904 398 (*тўрт триллион олти юз йигирма етти миллиард тўрт юз саксон уч миллион тўққиз юз тўрт минг уч юз тўқсон саккиз*) сўм бўлган номинал қиймати 19 (*ўн тўққиз*) сўмлик 243 551 784 442 (*икки юз қирқ уч миллиард беш юз эллик бир миллион етти юз саксон тўрт минг тўрт юз қирқ икки*) дона эгасининг номи ёзилган оддий акциялар;

- умумий қиймати 7 030 000 000 (*етти миллиард ўттиз миллион*) сўм бўлган номинал қиймати 19 (*ўн тўққиз*) сўмлик 370 000 000 (*уч юз етмиш миллион*) дона эгасининг номи ёзилган имтиёзли акциялар.

Акциядорлар умумий йиғилишининг ваколатли эканлиги (*кворум тўпланганлиги*) бўйича сўз Санок комиссиясининг раиси Дилшод Абдукадировга берилди. “Ўзсаноатқурилишбанк” АТБ акциядорларининг реестрига кўра, 2022 йил 20 июнь ҳолатига йиллик умумий йиғилишда иштирок этиш ҳуқуқига эга бўлган акциядорлар рўйхатига жами 243 551 784 442 (*икки юз қирқ уч миллиард беш юз эллик бир миллион етти юз саксон тўрт минг тўрт юз қирқ икки*) дона оддий акциялар киритилган.

Акциядорлар рўйхатининг тўғри расмийлаштирилганлиги ва акциядорлар номидан Умумий йиғилишда иштирок этиш ҳуқуқига эга бўлган вакилларнинг ваколатлари тасдиқланди.

Санок комиссиясининг ҳисоботига асосан, “Ўзсаноатқурилишбанк” АТБ акциядорларининг реестрига кўра, 2022 йил 20 июнь ҳолатига Умумий йиғилишда иштирок этиш ҳуқуқига эга бўлган акциядорлар рўйхатига жами 243 551 784 442 (*икки юз қирқ уч миллиард беш юз эллик бир миллион етти юз саксон тўрт минг тўрт юз қирқ икки*) дона оддий акциялар эгаси бўлган акциядор киритилган.

Йиғилишда иштирок этиш учун умумий овоз берувчи акцияларнинг 232 095 118 502 (*икки юз ўттиз икки миллиард тўқсон беш миллион бир юз ўн саккиз минг беш юз икки*) дона ёки 95,3 фоизига эгаллик қилувчи 3 (*уч*) нафар акциядор ва акциядорларнинг вакиллари рўйхатдан ўтганлиги ва Умумий йиғилиш ваколатли, яъни кворум мавжудлигини маълум қилди.

Санок комиссияси баённомаси, акциядорлар ва уларнинг вакиллари рўйхати, Санок комиссияси маълумотномаси матни илова қилинади.

“Ўзсаноатқурилишбанк” АТБ акциядорларнинг 2021 йил якунлари бўйича йиллик умумий йиғилишини ўтказиш учун Банк Кенгаши Раиси ўринбосари—У.Мухтаров йиғилиш Раиси этиб сайланди.

Йиғилиш Раиси – У.Мухтаров банк акциядорларининг йиллик Умумий йиғилишини очиқ деб эълон қилди. Йиғилишда банкнинг йирик акциядори – Ўзбекистон Республикаси Молия вазирлиги, Давлат иштирокидаги тижорат банкларини ислоҳ қилиш департаменти директори – Ж.Абдушукуров, Ўзбекистон Республикаси Тикланиш ва тараққиёт жамғармасидан ижрочи директори – У.Мухтаров, бошқа акциядорлар ҳамда Банкнинг Бошқарув Раиси ва унинг ўринбосарлари, Бош банкнинг бўлинмаларнинг раҳбарлари иштирок этаётганлиги тўғрисида маълум қилди.

Акциядорлар Умумий йиғилишининг Ишчи органлари қуйидаги таркибда тузилди:

Йиғилиш ҳайъати: У.Мухтаров (йиғилишга Раислик қилувчи), Ж.Абдушукуров, С.Аннакличев.

Саноқ комиссияси: Д.Абдукадиров, Х.Умаров.

Акциядорлар Умумий йиғилишининг кун тартибига қуйидаги масалалар киритилган:

1. Банк Кенгаши ва Бошқарувининг 2021 йил якунлари бўйича фаолияти ҳамда банкнинг ривожлантириш стратегиясини бажарилиши бўйича кўрилаётган чора-тадбирлар тўғрисидаги ҳисоботларини эшитиш.

2. Банк Тафтиш комиссиясининг хулосасини эшитиш.

3. Банкнинг 2021 йил якунлари бўйича йиллик ҳисоботини тасдиқлаш.

4. Банк фойдасини тақсимлаш ва ҳар бир Кенгаш аъзосига корпоратив йил учун тўланадиган мукофот ва компенсациянинг энг юқори миқдорини белгилаш.

5. 2021-2022 корпоратив йилида Банк Кенгашининг ўз ўзини ҳамда ҳар бир Кенгаш аъзосини баҳолаш натижаларини кўриб чиқиш.

6. Банкда корпоратив бошқарув тизимини 2021 йил якунларига кўра ўтказилган мустақил баҳолаш натижаларини кўриб чиқиш.

7. Корпоратив йилга Банк Кенгаши аъзоларининг сайлаш.

8. Корпоратив йилга Банк Тафтиш комиссияси аъзоларини сайлаш.

9. Банк Бошқаруви Раиси ва аъзолари билан тузилган меҳнат шартномаларини тузиш / узайтириш тўғрисида.

10. 2022 молия йили бўйича Банкда ташқи аудиторлик текширувини ўтказиш учун ташқи аудитор ташкилотини белгилаш, ушбу ташкилотнинг хизматларига тўланадиган энг кўп ҳақ миқдорини белгилаш.

11. Ўзбекистон Республикаси Молия вазирлиги томонидан ишлаб чиқилган, “Ўзсаноатқурилишбанк” АТБнинг Бошқарув фаолияти самарадорлигининг асосий кўрсаткичлари (КРІ) тасдиқлаш тўғрисида.

12. “Ўзсаноатқурилишбанк” АТБнинг Уставини (янги таҳрирда) тасдиқлаш тўғрисида.

13. “Ўзсаноатқурилишбанк” АТБнинг Бошқаруви тўғрисидаги Низомга киритиладиган ўзгартириш ва қўшимчалар тасдиқлаш тўғрисида.

14. “Ўзсаноатқурилишбанк” АТБнинг Кенгаши тўғрисидаги Низомга киритиладиган ўзгартириш ва қўшимчалар тасдиқлаш тўғрисида.

15. “Ўзсаноатқурилишбанк” АТБнинг ташкилий тузилмасини тасдиқлаш.

16. Халқаро молия корпорациясининг (ХМК) банк капиталига конвертация қилиш имконияти билан жалб қилинувчи кредитнинг валютасини ўзгартириш ва “Ўзсаноатқурилишбанк” АТБ ҳамда ХМК ўртасида 2021 йил

20 сентябрда имзоланган Кредит битимига кўшимча келишув тузиш масаласини маъқуллаш.

17. Европа тикланиш ва тараққиёт банкининг 50 млн. АҚШ доллари эквивалентидаги кредитни банк капиталига конвертация қилиш имконияти билан жалб қилиш масаласини маъқуллаш.

Умумий йиғилишни иш тартиби қуйидагича белгилаб олинди:

- Банк Кенгаши ва Бошқарувининг йиллик ҳисоботини, банкни 2021 йил учун стратегиясини бажарилиши тўғрисида ҳисоботни эшитиш - 15 дақиқагача вақт бериш;
- Тафтиш комиссиясининг хулосаси бўйича маърузачига 15 дақиқагача;
- Маърузалар бўйича муҳокамага - 10 дақиқагача;
- Кун тартибидаги масалаларни кўриб чиқишга – 60 дақиқагача;
- Кун тартибидаги масалалар бўйича овоз бериш учун - 15 дақиқагача.

Кун тартибига киритилган масалалар бўйича овоз бериш тартиби ҳам белгиланиб олинди.

Йиғилиш Раиси У.Мухтаров кун тартибидаги биринчи масала бўйича ҳисоботини намойиш қилишдан олдин йиғилиш қатнашчиларга ҳисобот йилида Мамлакатимизда молиявий секторни изчил ислоҳ қилиш давомида қатор чора-тадбирлар амалга оширилиб, натижада илғор банк бизнесини юритиш ҳамда ушбу соҳада рақобат муҳитини кучайтириш учун зарур ҳуқуқий шарт-шароитлар яратилганини таъкидлаб ўтди.

Муҳтарам Президентимизнинг 2020 йил 12 майдаги ПФ-5992-сонли Фармонлари билан тасдиқланган 2020-2025 йилларда Ўзбекистон банк тизимини ислоҳ қилиш стратегияси асосида банк тизими молиявий барқарорлигини оширилиши, бозор тамойиллари доирасида кредитлаш, банкларни хос бўлмаган функциялардан озод этилиши, масофавий хизматларни кенгайтириш учун яратилаётган имкониятлар – банк тизими салоҳиятини юксалишига хизмат қилишини айтиб ўтди.

Бундан ташқари ҳисобот йилда Вазирлар Маҳкамасининг “Ўзсаноатқурилишбанк” АТБни Халқаро молия корпорацияси иштирокида хусусийлаштириш ва трансформация қилиш чора-тадбирлари тўғрисида” 2021 йил 29 мартдаги 161-сон қарорига ўзгартириш ва кўшимчалар киритиш тўғрисида”ги Вазирлар Маҳкамасининг 778-сонли қарори бўйича банкни хусусийлаштириш жарёнларида Европа тикланиш ва тараққиёт банки ҳамда Осиё тараққиёт банкининг иштироқ этишига розилик берилганини маълум қилди. Ушбу банкларнинг ҳар бири 50 млн. АҚШ доллардан Банк устав капиталига инвестиция киритишини, трансформация жараёнидан кейин янги акциядорлар кириши кутилаётганлигини айтиб ўтди. Банкнинг ривожлантириш

стратегиясида белгиланган мақсадлар асосида лойиҳаларни молиялаштиришда уларнинг ижтимоий ва иқтисодий самарадорлигига эътибор қаратилди. Хусусан, банкда йирик лойиҳаларни молиялаштириш ҳисобига 25 мингдан зиёд ишчи ўринлари яратилди.

Соф фойдани шакллантириш бўйича (993 млрд.сўм) банклари орасида биринчи ўринда бўлганини мамнунлик билан маълум қилди. Бу борада эришилган юқори натижалар банкнинг Бошқарув органлари ҳамда банк жамоасининг самарали фаолияти билан боғлаб, Кенгаш ва акциядорлар номидан ташаккур билдирди. Шу билан бир қаторда йиғилиш раиси томонидан бир ходимга ўртача соф фойда, бир филиалга ўртача соф фойда ва активлар ўсиши, капитални етарлилиги кўрсаткичларни кўтарилиб меъёрга бўлганлиги, капитални рентабелиги каби кўрсаткичлари тилга олинди.

Кун тартибидаги биринчи масала – “Банк Кенгаши ва Бошқарувининг йиллик ҳисоботини, банкни 2021 йил учун стратегиясини бажарилиши тўғрисида ҳисоботни эшитиш” масаласи юзасидан йиғилиш иштирокчиларига Банк жамоаси томонидан 2021 йилда эришилган ютуқлар, амалга оширилган ишлар ҳамда келгусида банкни трансформация жараёни доирасида режалаштирилган ишлар ва истиқболда эришиш учун белгиланган молиявий кўрсаткичлари бўйича видеолавҳа намойиш этилди. Йиғилиш Раиси У.Мухтаров Банк Кенгаши томонидан мазкур ҳисобот тасдиқланганлигини таъкидлаб ўтиб, йиғилишда иштирок этган акциядор ва уларнинг вакилларини ушбу қарорни қўллаб-қувватлашни сўради.

Кун тартибидаги иккинчи масала – “Банк Тафтиш комиссиясининг хулосасини эшитиш” масаласи бўйича Тафтиш комиссияси аъзоси – С. Хабибуллаев маъруза қилди. Маърузачи йиғилиш қатнашчиларига 2021 йил якуни бўйича Тафтиш комиссия томонидан банкнинг молиявий-хўжалик фаолиятини текшириш натижалари бўйича ҳисоботини тақдим этган. Тақдимот жараёнида маърузачи банкнинг ҳисоботларида кўрсатилган молиявий-хўжалик кўрсаткичларни тасдиқланганини ҳамда Марказий банк томонидан ўрнатилаган капитал етарлилиги бўйича меъёрларни бажарилишини маълум қилди. Филиаллар кесимида Ички аудит томонидан қилинган текширишларнинг натижалари тафтиш комиссия томонидан тасдиқланди. Ҳисобот якунида банк Бошқарувига муддати ўтган кредитларни ундириш бўйича, банк балансига қабул қилинган мулкларни қисқа муддатларда сотиш, инвестиция портфелида кам даромадли активларни бозор қийматида сотиш, банк балансидан чиқарилган ва ҳисоби банкнинг “Кўзда тутилмаган ҳолатлар” ҳисобварақларида юритилаётган муаммоли кредитларни ундириш бўйича самарали чоралар кўришни тавсия бериб, ҳисобот йилда банк молиявий-хўжалик фаолиятини “яхши” деб баҳоланганини маълум қилди.

Йиғилиш Раиси томонидан ҳисобот йилида банкнинг кредит портфелида муддати ўтган қарздорлик ҳамда суд жараёнида бўлган ссудалар бўйича, кўзда

тутилмаган ҳолатлар бўйича, кредит таъминотининг ҳолати, кам даромад олиб келадиган активлар, Тафтиш комиссия ҳисоботида кўрсатиб ўтилган эътирозларни йил охиригача ҳар чоракда маъсул департаментлар бартараф этилишини шартлигини таъкидлаб ўтди.

Кун тартибидаги учинчи масала – “Банкнинг 2021 йил якунлари бўйича йиллик ҳисоботини тасдиқлаш” масаласи бўйича йиғилиш Раиси 2021 йил фаолияти давомида Банк томонидан эришилган молиявий кўрсаткичлари юзасидан қисқача тўхталиб ўтди. (*йиллик ҳисобот намунаси 3-иловада*).

Кун тартибидаги тўртинчи масала, бўйича йиғилиш Раиси У.Мухтаров Банкнинг Ғазначилик департаменти директори И.Тожиевга сўз берди. Маърузачи банк Кенгаши томонидан жорий йил 27 майдаги йиғилишида кўриб чиқилган 2021 йилда олинган банкнинг соф фойдасини тақсимлаш бўйича банк Кенгаши томонидан тавсия этилган таклифи билан таништириб ўтди ва ушбу масала бўйича тавсиялар тарқатма материалларда келтирилганлигини маълум қилган бўлсада, йиғилиш Раиси ушбу масала юзасидан банкнинг йирик акциядорлари Ўзбекистон Республикаси Тикланиш ва тараққиёт фонди, Ўзбекистон Республикаси Молия вазирлиги томонидан Марказий банк билан келишилган ҳолда сўнгги якуний таклифини эълон қилди.

2021 йил учун олинган 993 037 815 685,05 сўм миқдоридagi соф фойдани қуйидагича тақсимлаш бўйича таклиф берди:

- Умумий мақсадли захира фондига соф фойданинг 5%, яъни – 49 651 890 784,25 сўм;
- Банкнинг имтиёзли акциялари бўйича дивидендлар тўлашга – 1 616 900 000,00 сўм;
- Банкнинг оддий акциялари бўйича дивидендлар тўлашга – 0 сўм;
- Тафтиш комиссияси аъзоларининг мукофот миқдори – 47 873 280,00 сўм;
- Тақсимланмаган фойда – 941 721 151 620,80 сўм.

Ўзбекистон Республикаси Молия Вазирлиги вакили Ж.Абдушукуров томонидан ушбу тақсимлаш алоҳида акциядорларнинг эътиборига Ўзбекистон Республикаси Марказий банкининг амалий қонунчилига асосан жорий йилда оддий акциялар бўйича дивиденд тўламаслик талаби етказилди ва у бўйича тушунтириш берилди. Ушбу талабни қўйилишига банкинг биринчи даражалик капитални етарлиги кўрсаткичининг меъёрдан ошган ҳолда бажарилиши ҳамда банкнинг кредитлаш қобулиятининг оширилиши, шу билан бирга ҳукумат топшириқларига асосан йирик кредитлар ажратиш учун имконият яратилиши таъкидлаб ўтилди.

Кенгаш аъзоларига 2022-23 корпоратив йил учун тўланадиган мукофот ва компенсациянинг энг юқори миқдорини белгилаш, Банк Кенгашининг 2022 йил 27 майдаги 2022/08-сонли йиғилиш баённомаси билан дастлабки

тарзда кўриб чиқилганлиги ва тасдиқланганлигини ҳамда ушбу масала бўйича тавсиялар тарқатма материалларда келтирилганлигини маълум қилди.

Акциядорлардан соф фойдани тақсимлаш бўйича сўнги киритилган таклифни қўллаб қувватлаш сўралди. Санок комиссиядан овоз бериш бюллетенларга ва йиғилиш материалларга ушбу масала бўйича тегишли ўзгартириш киритиш бўйича топшириқ берилди.

Күн тартибидаги беинчи масала, бўйича ҳисобот учун Корпоратив маслаҳатчи К.Алимовга сўз берилди. Кенгаш аъзолари томонидан 5та йўналиш бўйича сўровномага жавоб берганларини ва баҳолаш натижалари йиғилиш материалларда тақдим этилганини маълум қилиб, Кенгаш аъзоларнинг ўз-ўзини баҳолаш жихатлари бўйича қисқача тушунтириш берилди. Шу билан бирга баҳолаш натижаларга кўра Кенгаш аъзолари томонидан берилган таклиф ва тавсиялар билан ҳам таништириб ўтилди. Йиғилиш Раиси томонидан Банк Кенгашининг ўз ўзини ҳамда хар бир Кенгаш аъзоларини баҳолаш натижаларини инобатга олиш таклифи овозга қўйилди.

Күн тартибидаги олтинчи масала, бўйича ҳисобот учун Корпоратив маслаҳатчи К.Алимовга сўз берилди. Маърузачи ўз нутқида Банкнинг Устави ва Корпоратив кодекси талабларига биноан акциядорлик жамият фаолиятининг самарадорлигини ошириш ва корпоратив бошқарув тизимини такомиллаштириш мақсадида холис баҳолаш ташкилоти томонидан текширувдан ўтказилиши белгиланганлигини маълум қилди.

Ушбу белгиланган талабларни бажариш мақсадида 2021 йил натижалари бўйича “CITY CAPITAL” МЧЖ (мустақил ташкилот) томонидан баҳолаш ўтказилди ва Банк корпоратив бошқарув тизимининг фаолияти 1085 балл 90,42% баҳоланиб, “Юқори” деб топилганини маълум қилди. Йиғилиш Раиси томонидан холис баҳолаш натижаларни тасдиқлаш таклифи овозга қўйилди.

Күн тартибидаги еттинчи масала, бўйича Йиғилиш раиси У.Мухтаров тушунтириш бериб ўтди. Банк Кенгаши таркибига сайлаш учун Ўзбекистон Республикаси Молия вазирлигининг 2022 йил 30 мартдаги 02/29-36/648-сонли, Ўзбекистон Республикаси Тикланиш ва Тараққиёт жамғармасининг 2022 йил 08 февралдаги ШВ-06/05-93-сонли ва “Ўзтрансгаз” АЖнинг 2022 йил 7 февралдаги 04-28-38/675-сонли хатлар билан таклиф этилганини ва ўрнатилган тартибда жорий йили 18 майдаги банк Кенгашининг 2022/08-сонли қарори билан кўриб чиқилган қуйидаги номзодлар тавсия этилганини маълум қилди:

1. Воитов Азиз Ботирович - Ўзбекистон Республикаси Инвестициялар ва Ташқи савдо вазирлиги, вазирнинг биринчи ўринбосари. “Ўзсаноатқурилишбанк” АТБ Кенгашининг раиси.

2. Сулганов Дилшод Шухратович, Ўзбекистон Республикаси Молия вазирининг ўринбосари. “Ўзсаноатқурилишбанк” АТБ Кенгашининг аъзоси.

3. Мухтаров Улуғбек Ҳакимович, Ўзбекистон Республикаси Тикланиш ва тараққиёт жамғармаси ижрочи директори ўринбосари. “Ўзсаноатқурилишбанк” АТБ Кенгашининг раис ўринбосари.

4. Мустафоев Хуршид Бахтиярович, Ўзбекистон Республикаси Молия вазирлиги департамент директори. “Ўзсаноатқурилишбанк” АТБ Кенгашининг аъзоси.

5. Юлия Александровна Айзуп, “Ўзсаноатқурилишбанк” АТБ Кенгашининг мустақил аъзоси.

6. Александр фон Глайх, “Ўзсаноатқурилишбанк” АТБ Кенгашининг мустақил аъзоси.

7. Туинстра Фердинанд Виллем, “Ўзсаноатқурилишбанк” АТБ Кенгашининг мустақил аъзоси.

8. Оксана Сивокобыльская, “Ўзсаноатқурилишбанк” АТБ Кенгашига мустақил аъзолигига номзод.

9. Грегг С. Робинс, “Ўзсаноатқурилишбанк” АТБ Кенгашига мустақил аъзолигига номзод.

10. Маматкаримов Бахтиёр Рустамович, “Ўзтрансгаз” АЖ Бошқарув раисининг ўринбосари.

Кенгаш таркибига сайлаш учун акциядорлар томонидан тавсия этилган номзодларнинг шахсий маълумотлари билан қисқача таништириб ўтилди. Шу билан бирга Банк Кенгашига 10 та номзодлардан кумулятив тарзда энг кўп овозга эга бўлган 9 та номзод сайланиши тўғрисида тушунтириб ўтилди ва Кенгаш аъзоларни сайлаш масаласи овозга қўйилди.

Кун тартибидаги саккизинчи масала, бўйича маълумот бериш учун Корпоратив маслахатчи К.Алимовга сўз берилди. Йирик акциядорлардан ўрнатилган тартибда Тафтиш комиссияга сайлаш учун номзодлар берилганини маълум қилди. Бироқ, “Акциядорлик жамиятлари ва акциядорлар ҳуқуқларини химоя қилиш тўғрисида”ги Ўзбекистон Республикаси Қонунига акциядорлик жамиятининг Тафтиш комиссияни ташкил қилиш бўйича ўзгартириш киритилиши муносабати билан (2022 йил 29 март ЎРҚ-760) ва Ўзбекистон Республикаси Молия вазирлигининг банкдаги давлат улуши бўйича маъсул вакили бўлиб, Тафтиш комиссияси фаолиятини тугатиш тўғрисида 2022 йил 6 июндаги 02/29-36/943-сонли хатини инобатга олиб, “Ўзсаноатқурилишбанк” АТБ Тафтиш комиссияси фаолиятини тугатиш масаласи овозга қўйилди.

Кун тартибидаги тўққизинчи масала, бўйича йиғилиш Раиси тушунтиришлар бериб, ўз сўзида Банкнинг бир маромда фаолият юритганлиги, Банк Кенгаши томонидан тасдиқланган Бизнес режада ўрнатилган барча молиявий кўрсаткичлар бажарилганлигини, меҳнат жамоаси томонидан ҳисобот йили давомида 993 037,8 млн.сўм соф фойда олишга эришилганини, Банк Бошқаруви томонидан трансформация жараёнларини фаол ва шиддат билан олиб борганини ва ушбу йўналишда салмоқли ютуқларга эришганини таъкидлаб ўтди.

Ҳисобот йилда амалга оширилган ишлар натижасида Ўзсаноатқурилишбанк:

- AsiaMoney журнали томонидан ўтказилган танловда “2021 йилнинг энг яхши банки” сифатида;

- Осиё тараққиёт банки томонидан энг яхши ҳамкор банк сифатида;
ва шу қаба соврунлар билан тақдирланди.

Банк рейтингини нуфузли “Standard&Poor`s” ва “Fitch Ratings” халқаро рейтинг агентликлари томонидан “BB-” даражада тасдиқланди.

2021 йил якунлари бўйича “Ўзсаноатқурилишбанк” АТБ “Ахбор-Рейтинг” миллий рейтинг компаниясининг “uzA+” даражасидаги “Ижобий” прогноз билан юқори рақобатбардошлик рейтингини ҳам тасдиқланди.

Банк Кенгашининг мажлисида Банк Бошқарув аъзолари:

1. **Аннакличев Сахи Сапармухамедович**, Бошқарув Раиси;
2. **Акбаржонов Азиз Акбаржон**, Бошқарув Раисининг биринчи ўринбосари;
3. **Эргашев Анваржон Абдумажитович**, Бошқарув Раиси ўринбосари
4. **Якубов Шухрат Исроилович**, Бошқарув Раиси ўринбосари;
5. **Рахматов Бахтиёр Алиевич**, Бошқарув Раиси ўринбосари;
6. **Гултураев Шохпур Негматуллаевич**, Бошқарув Раиси ўринбосари;
7. **Воҳидов Ойбек Розикович**, Бухгалтерия ҳисоби ва молиявий менеджмент департаменти директори - Бош бухгалтер;
8. **Норхужаев Бахриддин Нуритдинович**, Юридик департамент директори
9. **Вакант** - Риск Бош директори

билан тузилган меҳнат шартномаларини узайтириш масаласи дастлабки тарзда ижобий кўриб чиқилганлигини инобатга олиб, масала овозга қўйилди.

Кун тартибидаги ўнинчи масала, бўйича маълумот бериш учун Банкнинг Бош бухгалтери О.Воҳидовга сўз берилди. Маърузачи ўз нутқида “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунга мувофиқ жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботидаги, бухгалтерия балансидаги, фойда ва зарарлар ҳисобварағидаги маълумотларнинг ишончлилиги мулкрий манфаатлари жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши кераклигини таъкидлаб ўтди.

Мазкур талабларни инобатга олган ҳолда, Банкнинг 2022 йил учун консолидациялашган молиявий ҳисоботининг аудити, Банкнинг 2022 йил биринчи ярим йиллиги якунлари бўйича консолидациялашган молиявий ҳисоботини оралик текшируви, 2022 йил учун ОТБ, ХТБ, ЕТБ, ХМК ва JAICA каби халқаро молиявий ташкилотлари томонидан ковенантлар ҳисоб-китобларининг тўғрилигини текшириш бўйича ҳисобот, шунингдек Марказий банк талабига биноан ҳисобот тузиш жараёнларни текшириш хизматларини сотиб олиш учун қонунчиликда белгиланган тартибда танлов ўтказилган.

Танловда иштирок этиш учун “Deloitte & Touche” МЧЖ (*Қушилган киймат солиғисиз, 240 645,26 АҚШ долларнинг эквивалент сўмда*) ва “Pricewaterhousecoopers” МЧЖ (*Қушилган киймат солиғисиз, 213 584,02 АҚШ долларнинг эквивалент сўмда*) ташкилотлари томонидан танлов талабларига мос келадиган тижорат таклифлари келиб тушган. Банкнинг харид комиссияси “Pricewaterhousecoopers” МЧЖ томонидан берилган 213 584,02 АҚШ долларнинг эквивалент сўмда (*Қушилган киймат солиғисиз*) миқдоридаги таклиф нарх ва сифат жиҳатдан мақбул деб топилган. Ушбу қарорни тасдиқлаш тўғрисида таклифи овозга қўйилди.

Күн тартибидаги ўн биринчи масала, бўйича сўз банкнинг Ходимларни бошқариш департаменти директори А.Исламовга берилди. Ўз нутқида маърузачи Ўзбекистон Республикаси Президентининг 2020 йил 1 майдаги “2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида”ги ПФ-5992-сонли Фармониغا асосан Ўзбекистон Республикаси Молия вазирлиги зиммасига юклатилган вазифаларидан келиб чиқиб, шунингдек “Акциядорлик жамиятлари ва акциядорлар ҳуқуқларини химоя қилиш тўғрисида”ги Ўзбекистон Республикаси Қонунининг 65 моддасига мувофиқ йирик акциядор сифатида жорий йилга “Ўзсаноатқурилишбанк” АТБнинг Бошқарув фаолияти самарадорлигининг асосий кўрсаткичлари (КРІ) ишлаб чиқилганини ва банк Кенгаши томонидан мақулланиб, банк акциядорлари йиллик умумий йиғилишига тасдиқлаш учун чиқарилганини таъкидлаб ўтди. Йиғилиш қатнашчиларидан қўшимча саволлар бўлмаганлиги учун Ўзбекистон Республикаси Молия вазирлиги томонидан “Ўзсаноатқурилишбанк” АТБнинг Бошқарув фаолияти самарадорлигининг асосий кўрсаткичлари (КРІ) “тасдиқлаш” тўғрисида таклиф овозга қўйилди.

Күн тартибидаги ўн иккинчи, ўн учинчи ва ўн тўртинчи масалалари, бўйича Юридик департамент директори Б.Норхужаев маъруза қилди. 2022 йил март ойида акциядорлар жамиятлари фаолиятига тегишли катта аҳамиятга эга бўлган “Акциядорлик жамиятлари ва акциядорлар ҳуқуқларини химоя қилиш тўғрисида”ги қонунини ўзгартиришлар ва қўшимчалар киритилганини маълум қилди (2022 йил 29 март ЎРҚ-760). Қонунчиликда бўлган ўзгартишлар банкнинг ички меъёрий ҳужжатларга ҳам замонавий қонунчилик ва амалиёт муҳитига мослаштиришни таказо этади. Бундан ташқари потенциал йирик инвесторлар (МФК, ЕТТБ) билан тузилган битимлардаги айрим талабларни бажариш мақсадида Акциядорлар умумий йиғилиши муҳокамасига чиқарилган “Ўзбекистон саноат-қурилиш банк” акциядорлик тижорат банки устави янги таҳрирда (олдинги редакцияга нисбатан 11та ўзгартириш ва қўшимчалар), “Ўзбекистон саноат-қурилиш банк” акциядорлик тижорат банки Бошқаруви тўғрисидаги Низомга киритиладиган ўзгартириш ва қўшимчалар, “Ўзбекистон саноат-қурилиш банк”

акциядорлик тижорат банки Кенгаши тўғрисидаги Низомга киритиладиган ўзгартириш ва қўшимчалар тасдиқлаш тўғрисида масалалари бўйича Юридик департамент директори Б.Норхужаев атрофлича тушунтиришлар берди ва асослар билан таништириб ўтди. Тақдим этилган хужжатларни тасдиқлаш тўғрисида масала овозга қўйилди.

Кун тартибидаги ўн беинчи масала, бўйича сўз Ходимларни бошқариш департаменти директори А.Исламовга берилди. Ўз нутқида маърузачи банкнинг трансформациянинг 3чи босқичига мувофиқ Бош банк ташкилий тузилмасини янада оптималлаштириш, банкнинг приватизация жараёнларини ва нуфузли инвесторларни жалб этиш бўйича ишларни аниқ белгилаш орқали иш самарадорлигини оширишни тартибли ташкил этиш мақсадида, Бош Банкнинг ташкилий тузилмаси қайтадан ишлаб чиқилганини маълум қилди. Тарқатма материалларда келтирилган Бош Банкнинг янги ташкилий тузилмасини тасдиқлаш тўғрисида масаласи овозга қўйилди.

Кун тартибидаги ўн олтинчи ва ўн еттинчи масалалари, бўйича сўз Молия институтлари ва инвесторлар билан ишлаш департаменти директори А.Палвановга берилди. Ўз нутқида маърузачи банкнинг Халқаро молия корпорациясининг 75 млн. АҚШ доллари миқдоридаги кредит линияси валютасини ўзгартириш ҳамда Европа тикланиш ва тараққиёт банкининг 50 млн. АҚШ доллари миқдоридаги кредит линиясини жалб қилиш масаласи юзасидан ҳисобот берди.

Шунда, Ўзсаноатқурилишбанк фаолиятини Халқаро молия институтлари иштирокида трансформация қилиш ва уни хусусийлаштириш борасида Президентимизнинг 2020 йил 12 майда ПФ-5992-сонли Фармонлари ва Вазирлар маҳкамасининг 2021 йил 29 мартда 161-сонли қарори қабул қилинган таъкидлаб ўтиб, Мазкур норматив хужжатлар асосида банк томонидан Халқаро молия корпорациясининг (ХМК) 75 млн. АҚШ доллари ва Европа тикланиш ва тарққиёт банкининг 50 млн. АҚШ доллари миқдоридаги кредит линияларини жалб қилиш борасида ишлар амалга оширилмоқдалигини маълум қилди.

Мазкур 2 та кредит линияси кейинчалик банк капиталига конвертация қилиш имконияти билан жалб қилиниши режалаштирилганлиги ҳамда Кредиторлар томонидан акциядорларнинг битимларни маъқуллаши сўралганлиги сабабли, якуний қарор қабул қилиш учун банк акциядорлари муҳокамасига киритилмоқда.

Банк ва Халқаро молия корпорацияси ўртасида кредит линиясини жалб қилиш борасида Кредит битими 2021 йил 20 сентябрда имзоланган эди ва ушбу келишув бўйича кредит маблағлари миллий валютада жалб қилиниши белгиланган эди.

2022 йил бошидан бери жаҳон иқтисодиётидаги юқори инфляцион кутилмалар ҳамда геосиёсий вазият натижасида халқаро молия бозорларида

маҳаллий валюталарда номиналланган кредитлар таклифи камайганлиги сабабли Халқаро молия корпорацияси кредит рискинни қайта ҳисобланган ҳолда ушбу кредит валютасини АҚШ долларига ўзгартириш талабини қўйди.

Бунда ўзгартириш фақат кредит валютасига тааллуқли бўлади ва келишувнинг бошқа шартлари ўзгартирилмайди.

Юқорида келтирилганлардан келиб чиқиб, Халқаро молия корпорацияси кредити валютасини ўзгартириш (қўшимча келишув тузиш орқали) ҳамда АҚШ доллариди жалб қилиниши масаласини қўллаб-қувватлашингизни сўраймиз.

Ўн еттинчи масала бўйича, Молия институтлари ва инвесторлар билан ишлаш департаменти директори А.Палванов банк томонидан Европа тикланиш ва тараққиёт банкининг 50 млн. АҚШ доллари миқдориди кредитини банк капиталига конвертация имконияти билан жалб қилиш ишлари амалга оширилишини маълум қилиб, ушбу кредит линиянинг асосий шартлари бўйича қисқача маълумот берди (*тарқатма материалларда*).

Мазкур кредит линияси маблағлари хусусий сектордаги кичик ва ўрта бизнес субъектларининг инвестицион лойиҳаларини молиялаштиришга йўналтирилади. Шу жумладан, кредит линиясининг 20%дан кам бўлмаган қисми “яшил лойиҳалар”га йўналтирилади.

ЕТТБ кредит линияси ХМК кредити билан бир хил структурага эга. Яъни, дастлаб кредит сифатида тақдим қилинади ва кейинчалик қўшимча оддий акцияларни муомалага чиқараши орқали банк капиталига конвертация қилинади. ЕТТБ Кредит битимида келтирилган ижобий, салбий ҳамда молиявий ковенантлар, Банк ва ЕТТБ ўртасида бугунги кунда амалда бўлиб турган кредит битимларида қўлланилаётган ковенантлар билан бир хил ва банк томонидан бажарилиб келинмоқда.

Юқоридагилардан келиб чиқиб, Банк томонидан Европа тикланиш ва тараққиёт банкининг 50 млн. АҚШ доллари миқдориди кредит линиясини банк капиталига конвертация қилиш имконияти билан жалб қилинишини қўллаб-қувватлашингизни сўраймиз.

Ўзбекистон Республикаси Президенти ва Ҳукуматининг банк секторининг молиявий барқарорлигини оширишга оид чора-тадбирлари ва хусусийлаштириш ва трансформация қилишга қаратилган қарорлар ва дастурларни бажаришда “Ўзсаноатқурилишбанк” АТБнинг фаоллигини ошириш мақсадида, кун тартибидаги масалаларни кўриб чиқиб, Банк Акциядорларининг умумий йиғилиши

ҚАРОР ҚИЛДИ:

1. Банк Кенгаши ва Бошқарувининг 2021 йил учун ҳисоботи, 2021 йил учун стратегиясини бажарилиши тўғрисида ҳисобот тасдиқлансин *(1-илова)*. Банк Кенгаши ва Бошқарувининг фаолияти қониқарли деб топилсин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

2. “Ўзсаноатқурилишбанк” АТБ Тафтиш комиссиясининг хулосаси тасдиқлансин *(2-илова)*.

2.1. Тафтиш комиссиясининг хулосасида ҳисобот йилда банкнинг кредит портфелида муддати ўтган қарздорлик, суд жараёнида бўлган ссудалар бўйича, кўзда тутилмаган ҳолатлар бўйича, кредит таъминотининг ҳолати, кам даромад олиб келадиган активлар бўйича маъсул департаментлар ҳисоботда кўрсатиб ўтилган эътирозлар бартараф этиш бўйича жорий йил охиригача Кенгашига ҳисобот бериши ва ички аудит томонидан бажарилиши назоратга олинсин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

3. “Ўзсаноатқурилишбанк” АТБнинг 2021 йил якунлари бўйича йиллик ҳисоботи тасдиқлансин *(3-илова)*.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

4. Банк Кенгаши тавсия этган банк фойдасини тақсимлаш тартибига розилик билдирилсин. Тақсимланиши лозим бўлган 993 037 815 685,05 сўм фойда қуйидагиларга йўналтирилсин:

- Умумий мақсадли захирани шакллантиришга – 49 651 890 784,25 сўм;
- Банкнинг имтиёзли акциялари бўйича дивидендлар тўлашга – 1 616 900 000 сўм (1 дона акцияга 4,37 сум);
- Банкнинг оддий акциялари бўйича дивидендлар тўлашга – 0 сўм;
- Банкнинг Тафтиш комиссияси аъзоларни тақдирлашга – 47 873 280 сўм;
- Тақсимланмаган фойда – 941 721 151 620,80 сўм.

4.1. 2022 - 2023 корпоратив йилда “Ўзсаноатқурилишбанк” АТБ Кенгашига сайланган бир аъзосига тақдирлаш ва компенсация харажатлари,

“Ўзсаноатқурилишбанк” АТБ Кенгашининг 2022 йил 27 майдаги 2022/09-сонли Қарори асосида белгилансин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

5. 2021-2022 корпоратив йилда Банк Кенгашининг ўз ўзини ҳамда ҳар бир Кенгаш аъзоларини баҳолаш натижалари инобатга олинсин (**4-илова**).

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

6. “Ўзсаноатқурилишбанк” АТБда ўтказилган корпоратив бошқарув тизимини мустақил баҳолаш натижалари инобатга олинсин (**5-илова**).

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

7. Кумулятив овоз бериш натижаларига кўра, Банк Кенгаши аъзолари, Банк Уставида кўрсатилган муддатга, қуйидаги таркибда сайлансин:

т/р	Сайланувчининг фамилияси, исми ва шарифи. Эгаллаб турган лавозими	Тўпланган овозлар сони
1.	Воитов Азиз Ботирович. <i>Ўзбекистон Республикаси Инвестиция ва ташқи савдо вазирининг биринчи ўринбосари.</i>	232 099 951 343
2.	Султанов Дилшод Шухратович. <i>Ўзбекистон Республикаси Молия вазирлиги ўринбосари.</i>	232 099 951 343
3.	Мухтаров Улуғбек Хакимович. <i>Ўзбекистон Республикаси Тикланиш ва тараққиёт жамғармаси ижро этувчи директори ўринбосари.</i>	232 099 951 343
4.	Мустафаев Хуршед Бахтиёрович. <i>Ўзбекистон Республикаси Молия вазирлиги департамент директори.</i>	232 099 951 343
5.	Айзуп Юлия Александровна. (мустақил аъзо)	232 099 951 343
6.	Александр фон Глайх. (мустақил аъзо)	232 095 118 502
7.	Фердинанд Вильям Туинстра. (мустақил аъзо)	232 099 951 343

8.	Оксана Сивокобыльская. (мустақил аъзо)	232 099 951 343
9.	Грегг С. Робинс. (мустақил аъзо)	232 099 951 343

Кумулятив овоз бериш натижаларига кўра, Банк Кенгаши аъзоларига сайланмаган вакил.

10.	Маматкаримов Бахтиёр Рустамович. “Ўзтрансгаз” АЖ Бошқарув Раисининг ўринбосари	4 832 841
-----	--	-----------

8. Ўзбекистон Республикасининг Молия вазирлигининг 2022 йил 6 июлдаги 02/29-36/943-сонли хатида таклифига асосан Ўзбекистон Республикасининг “Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги Қонунига ўзгартириш киритилганлиги (2022 йил 29 март) сабабли, Банкнинг Тафтиш комиссияси фаолияти тугатилсин.

8.1 Банкнинг тегишли меъёрий ҳужжатларига ўзгартиришлар киритилсин ва ўрантилган тартибда тасдиқлансин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

9. Кенгаш таклифи тўлиқ қаноатлантисин ва Банк Бошқаруви Раиси ва Бошқарув аъзолари билан тузилган меҳнат шартномалари Банк Уставида кўрсатилган муддатга узайтирилсин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

10. 2022 молия йили бўйича банкда ташқи аудиторлик текширувини ўтказиш учун “Pricewaterhousecoopers” МЧЖ аудиторлик ташкилоти тасдиқлансин, унга тўланадиган энг кўп ҳақ миқдори 213 584,02 АҚШ доллари (сўм эквивалентида) (*Қушилган киймат солиғисиз*) белгилансин ва у билан шартнома тузилсин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

11. Ўзбекистон Республикаси Молия вазирлиги томонидан ишлаб чиқилган, “Ўзсаноатқурилишбанк” АТБнинг Бошқарув фаолияти самарадорлигининг асосий кўрсаткичлари (КРІ) тасдиқлансин (**6 илова**).

Мазкур масала бўйича овоз бериш натижалари:

Овоз берилди: 232 099 951 343 овоз
“ёқлайман” – 232 099 951 343 овоз, “қаршиман” – йўқ, “бетарафман” – йўқ.

12. “Ўзбекистон саноат-қурилиш банки” акциядорлик тижорат банкининг устави (янги тахрирда) тасдиқлансин. *(7-илова)*.

12.1. 2020 йил 10 мартдаги Банк акциядорлари Умумий йиғилишининг 01/2020-сонли қарори билан тасдиқланган “Ўзбекистон саноат-қурилиш банки” акциядорлик тижорат банкининг устави бекор этилсин.

Мазкур масала бўйича овоз бериш натижалари:

Овоз берилди: 232 099 951 343 овоз
“ёқлайман” – 232 099 951 343 овоз, “қаршиман” – йўқ, “бетарафман” – йўқ.

13. “Ўзбекистон саноат-қурилиш банк” акциядорлик тижорат банки Бошқаруви тўғрисидаги Низомга киритиладиган ўзгартириш ва қўшимчалар тасдиқлансин *(8 илова)*.

Мазкур масала бўйича овоз бериш натижалари:

Овоз берилди: 232 099 951 343 овоз
“ёқлайман” – 232 099 951 343 овоз, “қаршиман” – йўқ, “бетарафман” – йўқ.

14. “Ўзбекистон саноат-қурилиш банк” акциядорлик тижорат банки Кенгаши тўғрисидаги Низомга киритиладиган ўзгартириш ва қўшимчалар тасдиқлансин *(9 илова)*.

Мазкур масала бўйича овоз бериш натижалари:

Овоз берилди: 232 099 951 343 овоз
“ёқлайман” – 232 099 951 343 овоз, “қаршиман” – йўқ, “бетарафман” – йўқ.

15. “Ўзсаноатқурилишбанк” АТБнинг янги ташкилий тузилмаси *(10-илова)* тасдиқлансин.

Мазкур масала бўйича овоз бериш натижалари:

Овоз берилди: 232 099 951 343 овоз
“ёқлайман” – 232 099 951 343 овоз, “қаршиман” – йўқ, “бетарафман” – йўқ.

16. Халқаро молия корпорациясининг (ХМК) банк капиталига конвертация қилиш имконияти билан жалб қилинувчи кредитнинг валютасини ўзгартириш ва “Ўзсаноатқурилишбанк” АТБ ҳамда ХМК ўртасида 2021 йил

20 сентябрда имзоланган Кредит битимига кўшимча келишув (11-илова) тузиш масаласи маъқуллансин.

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

17. Европа тикланиш ва тараққиёт банкнинг 50 млн. АҚШ доллари эквивалентидаги кредитни банк капиталига конвертация қилиш имконияти билан жалб қилиш масаласи маъқуллансин (12-илова).

Мазкур масала бўйича овоз бериш натижалари:

Овоз берилди: 232 099 951 343 овоз

“ёқлайман” – 232 099 951 343 овоз, “қаршиман” – йўқ, “бетарафман” – йўқ.

“Ўзсаноатқурилишбанк” АТБ

Акциядорлари умумий йиғилиши Раиси:

У.Мухтаров

Акциядорлар умумий йиғилиши котиби

Х. Сагтаров

Корпоратив маслахатчи

К.Алимов

Саноқ комиссия

Д.Абдукадиров

Протокол расмийлаштириш санаси “30” июн 2022 йил.